



## INFORMASHON

*Fecha*  
29 di ougùstùs 2017

*Accountmanager di Komunikashon*  
Jhanirha Da Costa Gomez

*Email*  
[jhanirha.anita@gobiernu.cw](mailto:jhanirha.anita@gobiernu.cw)

### **Maneho di e registro topografiko di Kòrsou**

Kòrsou, meskos ku tur pais na mundu, tin hopi área, edifisio, kas, kaya, parke etc ku ta forma su infrastruktura. Gobièrnu di Kòrsou ta registrá tur kosnan aki den su registro topografiko. Servisio pa Obra Públiko ta e organisashon di gobièrnu ku ta manehá e registro aki.

Pues, na momentu ku un desaroyo den infrastruktura ta bai tuma lugá manera por ehèmpel, ta bai traha un kas òf edifisio nobo, òf ta bai desaroyá un área, Servisio pa Obra Públiko ta enkargá pa registrá esaki den e registro di gobièrnu.

Servisio pa Obra Públiko tin un registro aktual di tur konstrukshon na Kòrsou kual ta visibel atraves di e mapa topografiko básiko di Kòrsou. E mapa aki ta duna un bista di kada kaya, kas, edifisio, bario, etc na Kòrsou.

Servisio pa Obra Públiko a desaroyá un website speshal pa hasi e mapa topografiko di Kòrsou ku ta disponibel pa tur interesado. E website aki ta <http://basiskaart.curaçao-gov.an/>. Atraves di e website aki, por zoom in zoom out, buska adrès, nòmber di kaya i zonifikashon di geocode i indiká kambionan di topografía. Tambe tin aplikashonnan pa profeshonalnan ku ta hasi uso di e mapa aki diariamente komo parti di nan trabou.